

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 29. i članom 46. stav (1) Zakona o izvršavanju Budžeta Zeničko-dobojskog kantona za 2023. godinu, („Službene novine Zeničko-dobojskog kantona“, broj: 3/23), na prijedlog Ministarstva za privredu/gospodarstvo, Vlada Zeničko-dobojskog kantona, na 21. sjednici, održanoj dana 26.05.2023. godine, d o n o s i

ZAKLJUČAK
o usvajanju Programa utroška budžetskih sredstva u 2023. godini
Kapitalni transferi drugim nivoima vlasti

I.

Usvaja se Program utroška budžetskih sredstava u 2023. godini - (Kapitalni transferi drugim nivoima vlasti - ekonomski kod 615100 IAD 008), Ministarstva za privredu/gospodarstva Zeničko-dobojskog kantona, u iznosu 400.000,00 KM (slovima:četiristotinetisuća konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva financija, osim u izuzetnim slučajevima odobrenim posebnim aktima Vlade Kantona.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 26.05.2023. godine

Z e n i c a

DOSTAVLJENO:

1x Ministarstvo za privredu,

1x Ministarstvo financija,

1x a/a.



PROGRAM
UTROŠKA BUDŽETSKIH SREDSTAVA ZA 2023. GODINU
(Kapitalni transferi drugim nivoima vlasti)

Zenica, travanj 2023. godine

**PROGRAM
UTROŠKA BUDŽETSKIH SREDSTAVA U 2023. GODINI
(Kapitalni transferi drugim nivoima vlasti)**

I ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA U 2023. GODINI

Zakonski osnov za donošenje Programa utroška budžetskih sredstava u 2023. godini – Kapitalni transferi drugim nivoima vlasti - sadržan je u članu 29. stav (2) i članu 46. stav (1) Zakona o izvršavanju budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 03/23) .

II IZVOR FINANCIRANJA

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 03/23), planirana su financijska sredstva, ekonomski kod 615100 IAD 008– Kapitalni transferi drugim nivoima vlasti u iznosu od **400.000,00 KM**.

III NAČIN REALIZACIJE

Imajući u vidu raspoloživa sredstva iz točke 2. ovog Programa, Ministarstvo za privredu/gospodarstvo planiralo je utrošak financijskih sredstava na sljedeći način:

1. SUFINANCIRANJE IZGRADNJE TRŽNICA

Iznos: 400.000,00 KM

Svrha:

Vlada Kantona će financirati troškove izgradnje tržnica kao suvremenog i funkcionalnog objekta za plasman roba koje se proizvode na području jedinica lokalne samouprave Zeničko-dobojskog kantona, u onim jedinicama lokalne samouprave gdje još ne postoji izgrađena tržnica. Povećanjem prodaje lokalnih proizvoda doprinosi se povećanju prihoda proizvođača i lokalnog stanovništva, te poboljšanju uvjeta života, unaprijeđenje kvalitete lokalnih proizvoda, higijene i sigurnosti hrane uspostavljanjem boljih uvjeta i opremljenosti prodajnih mjesta, promoviranje dobrih poslovnih praksi i održivog razvoja uključujući aspekte zaštite okoliša, javnog zdravstva i sigurnosti hrane. Radi obavještanja korisnika o mogućnostima dobivanja sredstava poticaja, javni poziv se objavljuje na službenoj web stranici Kantona.

Organizacija-primatelj: Općine/gradovi (JLS) Zeničko-dobojskog kantona, Javna poduzeća sa sjedištem u Zeničko-dobojskom kantonu – upravitelji tržnica

Kriteriji:

Za subvencioniranje troškova izgradnje tržnica u općinama/gradovima Zeničko-dobojskog kantona, za koje su riješeni imovinsko-pravni odnosi, za koje je izvršena pretvorba u građevinsko zemljište, projektna dokumentacija i ishodovane potrebne dozvole, Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava za izgradnju tržnica u jedinicama lokalne samouprave u 2023. godini, članom 28. stav (1) Zakona o izvršavanju budžeta Zeničko-dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u

kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2023. godini, točkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidiranih projekata, sve u cilju efikasne, ekonomične i efektivne upotrebe namjenskih sredstava.

REKAPITULACIJA UTROŠKA BUDŽETSKIH SREDSTAVA

Rb	NAZIV PROGRAMA	Iznos sredstava /KM/
1.	IZGRADNJA TRŽNICA U JLS ZENIČKO-DOBOJSKOG KANTONA	400.000,00
UKUPNO:		400.000,00

Broj: 02- /23
Datum, 26.05.2023. godine
Z e n i c a

PREMIJER

Amra Mehmedić

DOSTAVLJENO:
1x Ministarstvo za privredu,
1x Ministarstvo financija,
1x a/a.